

將樂縣志卷之十二

補遺志叙

史牒紀事恒以義例相從其或例無繫屬而於風化習俗均有所關者於是乎不得不兼收而竝錄之自昔綴文抽藻之彥蒐奇盡變曷嘗以委碎為嫌哉今采而紀之或殊蹤偉蹟可裨睹聽之益或鏡往踪來可備諷咏之資泰山土垚絲麻管蒯達人均有取焉為作補遺志

災祥

將樂縣志

卷之十二

補遺

音

宋

紹興二年四月至五月霖雨其年大熟人以為祥

元祐五年大旱

嘉熙四年秋饑米價騰踊

淳祐十二年秋大水

是日嚴信衢婺台處建劔邵九郡俱大水冒城郭漂室廬人民

死者以萬數

詔遣諸軍計院師輿等往建邵南劔等處賑卹復蠲九郡苗米數十萬

寶祐戊午夏水漂田秋霜墮稼

民苦饑甚義士鍾元龍發廩減價以賑之

元

至元十六年七月偽知縣鄧仕明寇將樂軍民總管



吳林清克之九月北團蕭良全若山嘯聚吳林清平之

十八年清流賊火星挾女將軍寇將樂吳林清戰于黃土墩計殲之

二十五年泰寧賊江海寇將樂吳林清勦之

至正四年夏秋大疫

福邵延汀四郡皆然

十二年臨川賊鄧忠侵將樂邵武路總管吳按攤不花却之

國朝

將樂縣志

卷之十一

二

補遺

三言而

洪武元年汀寇金子誠攻陷將樂武臣朱平章克復之

永樂十四年秋大水冒城而入漂蕩廬舍

十六年縣治失火

正統十三年十月沙尤賊鄧茂七寇將樂指揮楊華

千戶徐昇計却之民困饑事幾殆白必安開倉賑

之城賴保全

華先是邵武衛指揮奉柴御史文顯檄守將樂其人背降然起時人輕之

彌曰駝揚適茂七圍城周匝郊閑凡七重造呂公車高比樓櫓中疊四層窺其旁發弩矢繞城布梯鼓謀而攻凡四十六晝夜徐昇擣以巨木少却復進衆皇駭不知計所出華眇之無怖色遍索竹燈



蔡裹以燥葦投其車上復令昇督鐵工鎔鐵為汁實以陶缶遍擲車頂頃頃火發燬其車賊多焦爛仆死曰何引去

十四年沙尤餘黨吳噐古楊勝圭流劫將樂義民

余士榮計捕之

茂七就擒餘黨噐古勝圭蔓干將樂巢竹舟地方四出標掠奉贊軍

務金尚書濼患之檄士榮密捕士榮躬詣巢穴諭以禍福借勝圭請金所伴授以巡檢官俾歸復引噐古同降既至俱以軍法從事夫兵不血刃而大慙授首人多士榮智云

成化四年四月大水

五年饑光明陽岸都民強發富民倉

十一年自夏徂冬不雨其年菽粟無獲災疫荐臻

將樂縣志

卷之十一

三

補遺

三

人民困瘁莫此為甚

二十一年夏大水霑雨浹旬溪水暴漲襄城郭郭

舟入市塌圮橋梁廬室墊壞田稼物產不可勝計

十一月廣豐倉失火燔倉文牘併廩八間延及預

備倉穀盡燬

二十三年夏旱

弘治元年五月大水

四年縣治東廊失火 夏饑

十一年七月大風雨雹發屋飄瓦仆東廡城樓



十二年十二月南隅失火起初四日之酉至初六日之卯熄延燒公署廟學及軍民廬舍二千餘家所部檄有司發公帑餘羨賑之

十四年七月東隅失火延燒軍民廬舍六百餘家死者十八人本府丁同知隆躬為致祭復給公帑賑之

二十二年五月大水漂流三華橋及龍池都民居蕩傷田稼尤甚本縣上其事不報

正德八年虎食人冬飢

將樂縣志

卷之十二

四

補遺

十一年秋霜墮稼

十二年正月舍人董旭等為亂

因西隅忠靖祠正月望日禳災事發

十四年夏饑

十六年八月朔日未初陡然日暗星見禽鳥投棲嘉靖三年十月南隅失火自南徂東延燒官民房千餘家

六年饑隆安都民伍喬等劈富民倉攫穀以食

七年虎遍傷人縣簿洪俊教民設窰以捕之其害始除



九年秋霜墮稼 冬旱

十年夏大饑隆安張源安仁上隆渡等郡民張唐先強發富民倉攫食本縣出預備粟以賑之

十一年秋霜墮稼

十二年冬大雨嚴雪魚鳥僵死

十四年五月洪水

十七年光明等郡民蕭仙惠等把斗 十一月南隅失火

十八年三月雨雹

將樂縣志

卷之三

五

補遺

二頁

十九年五月大水

二十一年三月北隅失火

二十三年正月地震 八月西隅坑邊失火 十

月大疫巡按何御史維栢檄有司發粟賑之

二十七年二月南隅失火

三十四年虎食人 本年始籍民為鄉兵自倭奴入寇都

御史阮鶚檄縣每圖括壯丁數名以充鄉兵附機兵訓練歲給工食銀七兩二錢聽召征勦民間騷擾殊甚及倭變

息而兵始罷焉

三十七年三月青為災

民間訛言有馬騮精其狀如螢着人衣裾必死家必



挿桺柳枝以厭之夜則鳴金擊鼓列炬  
于夜環婦女于其中以守旬日方息  
夏大饑池  
都民黃善通糾黨連軟仔伍和尚三十六人  
稱小宋江白日持刃橫行市鎮攫物凌民  
莫敢與敵典史施良範督捕莫能制  
招撫為捕盜給帖照以羈縻之為患愈甚  
後為都民張元設計擒之黨悉斃于  
縣獄 閏七月上杭賊流劫隆蔭都余家坪  
地方義兵周長戰死

三十九年七月大帽山賊流劫永康都水口地方

尋退歸化縣子雲臺延平衛官軍追至敗績 十

二月十九日程鄉賊首陳紹祿攻將樂城

營于南郊據五

馬山為陣民心惶怖知縣俞一中危之出帑中金

將樂縣志

卷之十一

六

補遺

四百五

三隅募義兵與戰于三華橋賊中矢死者多方引去所過鄉都焚掠如赭殺傷男女甚衆嗣是擾攘無寧歲迨隆慶間方息

四十年程鄉賊蕪阿普傳詔五等流劫萬安等都

延平衛正千戶王堂領軍勦禦賊襲之王堂死復

流劫光明等都本所軍人駱浩機兵楊觀戰死于

永吉都前溪村 自夏未至秋半大饑米價惟倍

自秋徂冬城鄉大疫人民困瘁無可貿易凡市粥

百物其價倍差西成頗豐而病民不能收獲徒飽

於目而饑於腹也且聞流賊倏至則男婦遂抱病



而逃入山林饕餮不顧甚至有厭死月孩而恐聲聞於賊者其苦可勝言哉歲否頻有之無如此極矣故詳識之

四十一年虎入城 三月軍人雷皮為亂

因流賊費用官

銀議以軍三協濟悍軍雷皮為亂竟殃及于今謫戍千戶徐以揚

五月二十八日

洪水衝塌三華橋北隅民居水封其戶

四十二年正月流賊劫掠隆渡都村名蕭坊冬

淫雨三日溪凍不流魚僵死

四十三年夏洪水仆水門城垣

將樂縣志

卷之十三

七

補遺

三百三

四十四年庖食人 五月洪水

隆慶二年夏旱 八月蛟湖都民孫賽奴稱亂千戶

唐煥許名威百戶謝應輝鄭印克之

先是賽奴掘地得方石如

印輒造妖言惑眾巨賴者響應揭竿斬大擄蛟湖都領為寨以圖不軌所在戒嚴驚動四境煥等領軍逐而走之後賽奴就擒餘黨俱斃于獄

萬曆元年自夏徂秋不雨

二年八月地震 十月南隅失火

三年五月洪水 秋米價騰踊

四年蝗



五年帟入城 九月二十七日彗星見於西方光  
芒直射於東其形如篲經月乃散 本年縣出示  
募能者建瑞光塔匠者方伯傑負其能寺僧正代  
附之浪費民脂刻剝工餼作不如法至八年十月  
塔垂成而崩傑父子壓死足為後戒

十年池湖都民鄧氏妻一乳三男

十一年萬曆新錢阻格不行罷市三日 先是將樂  
用元豐通

寶大錢民間稱便及裝新鑄萬曆錢人情恟恟罷  
市知縣黃仕禎諭令新舊兼用民始貿易如故

十二年九月二十一日戌刻有星光芒如斗自東

將樂縣志 卷之十三 補遺 三百三

南竟天流入西北莫知其墜處隨有聲隱隱如雷  
人以為天鼓護送之明年二月晦回祿煽災雖不  
專于一方然多是是星之應云

十三年二月日赤者五日晦日縣治前西大火 先

是省會延平順昌俱火人心戒嚴是月二十五日王  
華都火戒少弛晦日之戌災起自西南而東而北  
延燒官民房屋視嘉靖三年尤烈居民猶見夜半  
火光如毬升沉靡一人人心皇惑知縣黃仕禎晝夜  
巡警申以慰輯之令而民廼  
定仍請發預備倉粟遍賑之

十四年淫雨自春徂夏四月大水城垣頽塌者多  
知縣黃仕禎修築之



逸事

按紀乘互異不足以傳信創聞未覈不敢以彙編與夫舊章俱在而不可遺者皆撫拾之於此以備博合君子擇焉

山川

九峯山 在莫源都其山起伏有九中一峯頗高有庵在其下面東四峯山南屬將樂西建寧

北泰寧係三色之界義宜錄之

乳泉

按寰宇記南劍州天階山下出乳泉服之登山如飛

物產

銀礦

安天下志載將樂產銀礦今遍查轄內山川並無此產恐天下志傳聞之誤

田賦

將樂縣志

卷之十二

九

補遺

課鐵二萬一百四十斤翎鰓折納熟鐵等料價銀

一兩四錢四分

按郡志併邑舊志開載前項俱塲爐三所人戶歲辦折色銀四百二

兩八錢後爐廢課存爐戶訴於當道責令通縣均賠今本課無徵不知何年停革姑拾以備考

歲造軍器民七銀四十二兩九錢六分零○外水

脚銀七兩九錢三分

按舊志載每年軍三民七出辦除軍三銀本府扣折鈔銀

徑解外今本料無徵不知何年停革何項類解姑拾以備考

丘墓

義士鍾元龍墓

按本傳朝廷諭有司營葬今不可攷

推官黃與成

墓

在富谷都



歷官

林式之 宋寶祐間知縣見賴世隆重脩龜山書院記 吳知縣 熙寧間任

見楊時龍頭巖記 李濟 俱千戶洪武間任 余才 盧

宗 顏德 范斌 俱百戶洪武間任 揭祐民 王

元杰 余廷王 俱元至順至大間任龜山族譜序 徐道安

山陽人宋紹興二年任 許子美 元至正間三華站本縣尉見龜山全集

宦蹟

廖前 按南劍州刺史王審榮有讚曰天生奇才紹襲彌芳真州佐政迪憲維良欽擢南劍總督

平章西鏞屬地寇作不常親臨下治虎豹潛藏咸沾德化乃各耕商循行阡陌聚蓄盈倉世遭大變

新樂縣志

卷之十二

十

補遺 五百

地赤不祥悉發廩賑豐不徵償功業著國民誦其棠易名將樂永受恩光公之遺愛萬古毋忘夫是則前于將樂嘗有禦侮卹災勸課農桑功也今不可考或曰本縣人

人物

倪閃 按舊志登紹定壬辰科特奏名第一按翻本傳字泰夫沙縣人大都好義樂施嘗大饑施

糜粥活萬人領鄉薦特奏名除寧國府教授黃與遷廣東提幹卒按八閩通志又作劍浦縣人

成 宋舉人 黃寧 孫昇 俱宋進士見龜山全集 蕭

明哲 字元甫水南人幼隨父世忠遊寓吉州宋末

從出江西監贛縣兵收復萬安尋復龍泉行府敗

元甫入野坡連結諸寨拒元兵被執不屈而死于

洪文公集杜詩必哀之曰諸生舊短褐張目視



警高義依然在白骨  
更何憂見本氏譜  
州判湯竦號伍梅邊老人官福州長樂主簿嘗自  
官讚小影曰大鈞賊形仙谷馮神因紙上  
影見夢中身是身不實所有  
者心測然方寸雷與來胤  
○已上俱湯逢源先世  
祖見逢源畫像記  
湯元逢源子中元延  
西隅人武畧邁衆任元為萬戶府蕭光英之孫以  
萬戶子應發襲蔭調守泉州府  
為親軍鎮撫使調守臨兆  
卒于官俱見蕭氏族譜

**義勇**

**周長**

東隅人嘉靖三十七年流賊行劫隆蔭等都  
長應募為義兵與賊戰于余家坪奮勇當先

賊披靡以後援不繼遂遇害垂死猶手揮員子銳  
梓死賊三四人後四十年楊觀死末吉之前溪駱

**將樂縣志**

卷之十二

十一

補遺 晉平

浩死萬安之古村事與長同知府周賢宣  
嘉其忠勇檄縣列祀于忠臣祠二門之右

**僊釋**

**彭玉林**

元逋臣也落髮蕭僧率黨與至王華都洋  
門隔代木豎柵周圍里許築禪廬于隔口

中為寢室以雲母石為窓通宵跌坐以珠放夜光  
惑人見之者咸以為神 國朝洪武間大索之王

林走于江西蒜嶺後  
就擒畧見大誥三編

**尹鬢頭**

相傳嘗煉丹于烟霞道院故林鴻詩曰昔  
人煉金鼎此地餘還丹復有金頭陀者亦

於白雲  
庵得道

**如如居士**

順昌顏氏子宋末舉鄉試棄儒入釋元  
初過將樂萬安都見下洞庵毀鳩村將

建所闕惟正梁張氏墓側有合抱梓一求之弗得  
是夕風雷援之因鬻為梁居士題其上曰靈根不



肯混凡柴天意移將福地來向日親逢霹靂手今  
朝果作棟樑材後庵復圮正統間華僧興復之於  
瓦礫中得舊樑外朽中堅所題字墨漬入木不漫  
遂仍為樑居士有語錄併六時淨土文行於世

### 祥異

鼓自鳴

國朝成化七年正月初旬一日五更明倫堂鼓自鳴教諭童恒起視之遍訪無人衆

以為異是歲生員余庶以易經發解人皆以為應云

白鳩

詳見蕭恕本傳給事中許天錫詩曰孝感白鳩來園因白鳩名白鳩今已去園名尚未更

白鳩昔來時瑞彩照日星君德賴表暴允為千載榮

### 續補人物

### 宦蹟

將樂縣志

卷之十二

十二

補遺

三百六

劉一夔潮陽人由舉人嘉靖二十三年任廉潔自持

遇事聰敏惠愛小民摧折家悍時新政學宮極力

完之俾燁然雅觀諸政績多可紀尤好接引士類

公論見題石碑

張文襄常熟人由吏員嘉靖三十四年任才猷敏捷

署篆以廉介自持不輕入人罪分俸以資貧民尤

折節下士聲譽蔚勝委督修科棘圍及延郡學陞

工部營繕司所正

### 儒林



余庶字廷潔聰穎負奇摘文藻雅擅有才名爲諸生時毅然與蕭儀同正龜山先生世裔請于中丞滕昭脩故墓于榛莽新書院置祭田道南之學燦然復明嘗與晉江蔡清受業三山林珙之門珙並目以省解庶果成化辛卯第一而清即首甲午國朝上閩發解者楊文敏之後惟庶一人輒以三楊事業自期許未幾卒于道士類惜之

孝友

李憲字世文奇穎研精經術遊場屋有聲痛父早世

將樂縣志

卷之十二

十三

補遺

三頁

事母竭力順志家素乏授徒講經爲菽水資奉晨昏極恭謹從遊者皆化其行孝聞聶案院豹姚學憲鎮特加獎賞暨姚胡邵高潘江諸道凡十餘獎仍給粟帛資養母歿哀毀幾絕諸門徒稱貸以殯潘學憲璜檄縣助其塋廬墓三年悲號徹夜服闋絕意仕進奉嘉靖丙申詔冠帶操行益勵有司時勤延訪屢薦賓筵于惟寅歷任袁州進賢奉化皆迎養人謂孝行之報云

蕭勲字汝勵恕之從弟性穎異治易得恕心傳父罹



誣訟勲甫冠輒棄舉子業馳翹當路歷六載出心  
于獄繼丁閔凶哀毀骨立一日夢父遺詩一律勉  
其學覺而盡識人以為孝感云兄與隣爭誣以死  
訟遂自詣誣服三年不決備榜掠無異詞有司義  
而釋之家愈落無愠色汪令憲高其行禮為鄉校  
師下帷授業多養正功金文宗立敬特扁褒善晚  
年精于數學卒門人謂其勤學好問茲親之闕效  
輓之

日文恭先生子良佐以哀毀致疾  
後勲二十四日卒鄉人悼之舊令山東僉事王鈴

林傑字廷舉南隅人幼喪父鞠于母熊氏每叩父安  
在母具以告哀慕若成人長通儒尤精於醫事寡  
母以孝聞遇佳蔬珍菓輒懷之不先入口母病徹  
夜不安寢及卒營求喪具備極堅樸兄出贅家務  
叢集雖食貧鞠躬盡瘁凡事必稟命後行疾則焚  
香籲天故居為豪族計貿以去斬值百金固讓于  
兄姪賈于京厩本潛貸于人以蒲其數恐傷兄志  
知縣汪憲高其行屢請鄉飲且躬禮其廬樹扁曰



孝友之門

胡孟啓字居南性純孝怡顏順志了無難色幼輒學  
動多合古人父貸數金行貨偶道遺痛哭幾絕啓  
給以往覓郎云得而償之貸者父始色怡一日父  
得異症醫者莫効啓徧禱于神寤間若有指示一  
草採而藥之即愈人以為誠孝所感文選揚載鳴  
知縣唐自詣其閭督學盧慶賜扁曰孝行之門  
節婦

黃氏舍人蔣朝輔妻黃亞卿琛之姪女也輔早孤家

將樂縣志

卷之十二

十五

補遺

三百五

甚窶氏瘁力女紅佐之事姑孝謹歸四載輔歿歆  
以身下殉者屢遺孤甫二歲氏憫姑衰凋潛揮淚  
以寬其意未幾姑歿罄所有畢舉二喪遭回祿居  
無完堵常對月而績張蓋而炊食每并日豪家有  
以重價謀市其居者寧忍死不少動戚屬存問語  
輟即辭出志操甚厲子方成立遽遺養盖公論所  
甚惜云

李氏唐烜妻孝子富女孫生而婉淑有令儀閑織紵  
竟日希聞嘖語聲年十九歸唐甫六月烜故無嗣



氏欲絕下殉者數家人護解輒矢志冰霜謝艷飾  
却讌飲跬蹟不踰閩者四十年晚尤好內行諧經  
日危坐玩誦不置六十一歲卒蓋終始葆完方之  
粹璧無瑕焉督學胡公奉 詔旌表其門

廖氏白鷺妻年十九夫歿遺二孤長銓甫三歲幼釗  
竟週輒堅節自守妬姆唆姑迫之再醮矢志不從  
屢欲自經姑意始解九姻族希觀其面姑病解簪  
珥市藥祈禱靡所不至衣不解帶者六閱月姑歿  
哀毀幾喪明年七十而終士大夫銘以節孝云

將樂縣志

卷之十二

十六

補遺

三百五十一

論曰夫志有裨于風教俗尚者既別彙而條註之  
矣間或竒不能搜變弗能盡若物之渙然靡有統  
緒者君子獨奈何類舉而遺之乎聞之細流弗擇  
乃成滄溟一善或備終于缺畧矧災祥係氣化盛  
衰占人事得失而逸詞詭跡亦擅尺寸之豎而昭  
鑒戒之方者譬諸隋珠下璞有識共珍借非服飾  
所需詎可與瓦礫共擲哉若夫人才鍾淑何代無  
之隨時採摭誠勵世彰善要機然必廣延士論博  
訪物情逮志成之日僉謀始定蓋兢 兢乎其難之